



Pou Piblikasyon Imedya: 28/09/2023

GOUVÈNÈ KATHY HOCHUL

GOUVÈNÈ HOCHUL EGZÒTE NOUYÒKÈ YO POU YO PREPARE YO POU GWO LAPLI AK INONDASYON RAPID IZOLE NAN VANDREDI

Yo prevwa lapli jeneralize nan de a twa pou swa plis pou Hudson Valley, Vil New York ak Long Island nan lannwit jedi rive vandredi swa

Presipitasyon lokal ki pi wo ki nan senk pou swa plis ka lakòz inondasyon rapid izole; Alèt inondasyon anvigè soti 2 A.M. nan vandredi rive ta nan vandredi swa pou tout Vil New York, Long Island ak Hudson Valley

Nou egzòte Nouyòkè yo pou yo rete enfòme sou previzyon metewolojik aktyèl yo, prepare fwaye yo ak machin yo pou konsekans gwo lapli yo, pran anpil prekosyon lè y ap vwayaje espesyalman toupre wout ak enfrastrikti ki inonde yo

Jodi a, Gouvènè Kathy Hochul te egzòte Nouyòkè yo pou yo prepare yo pou gwo lapli ak potansyèl inondasyon rapid ki ka kòmanse nan mitan lannwit nan jedi epi kontinye jiska vandredi swa nan reyon Hudson Valley, Vil New York ak Long Island. Previzyon aktyèl yo prevwa yon lapli jeneralize nan de a twa pou swa plis pou chak èdtan. Kondisyon sa yo ka lakòz inondasyon rapid nan zòn ki ba, ki gen tandans inonde ak zòn ki te sibi gwo lapli tou dènyèman. Nan ka ta gen inondasyon rapid, vwayaj yo ap afekte nan vandredi. Gouvènè Hochul te ankouraje Nouyòkè yo pou yo fè anpil atansyon ak previzyon yo ak kondisyon k ap chanje yo, epi administrasyon li a pare pou reponn ak enpak move tan nan zòn ki afekte yo.

"Avèk yon chans pou gen gwo lapli aswè a ak demen atravè Vil New York, Long Island, ak Hudson Valley, n ap veye posibilité pou gen inondasyon rapid", **Gouvènè Hochul te deklare.** "Mwen mande ajans eta yo pou yo byen prepare mwayer repons yo epi yo pare pou ede patnè nou yo nan nivo lokal si yo bezwen sipò. Mwen ankouraje nenpòt moun ki ta dwe resevwa gwo lapli pandan 48 èdtan k ap vini yo pou yo rete vijilan, veye previzyon yo epi koute nenpòt lòd ijans otorite yo si sa nesesè".

Sèvis Meteyo Nasyonal yo te pibliye yon Siveyans Inondasyon ki gen pou antre anvigè lannwit jedi pou rive nan fen vandredi swa pou kèk pati nan reyon Vil New York, Long Island ak Hudson Valley. Pou kapab jwenn yon lis konplè sou alèt ak previzyon meteyo yo, vizite sit entènèt Sèvis Meteyowolojik Nasyonal (National Weather Service) la nan

alerts.weather.gov. Nou ankouraje Nouyòkè yo pou yo enskri pou NY Alert, sistèm alèt ijans gratis Eta a, nan alert.ny.gov. Yo ka voye enfòmasyon ijans konte pa konte pa tèks oswa imèl.

Komisè Divizyon Sekirite Teritwa ak Sèvis pou Ijans (Division of Homeland Security and Emergency Services) Eta New York la, Jackie Bray, te deklare, "Vil New York, Long Island, ak ba Hudson Valley pral resevwa gwo lapli aswè a pou rive vandredi swa. Gen kèk pati nan rejon sa yo ki ka resevwa senk pouz lapli oswa plis ki ka mennen nan inondasyon rapid. Anplwaye mwen yo ap kominike avèk ekspè metewolojik yo ak patnèjesyon ijans nou yo konsènan enpak tanpèt sa a. Nou prepare pou nou reponn ak ede patnè lokal nou yo pou kenbe Nouyòkè yo an sekirite nan ka ta gen yon ijans inondasyon rapid".

Preparasyon Ajans Eta yo

Divizyon Sekirite Teritwa ak Sèvis pou Ijans yo nan Eta New York

Sant Operasyon Ijans Divizyon Sekirite Teritwa ak Sèvis pou Ijans Eta New York la ap kontwole tan ak kondisyon deplasman yo, epi kowòdone tout bezwen repons yo ak gouvènman lokal yo. Tout biwo divizyon an prepare pou reponn avèk pèsònèl ak resous, nan ka ta gen move tan.

Depatman Transpò Eta New York la

Depatman Transpò Eta a prepare pou reponn ak evènman meteyo avèk prèske 3,500 operatè ak sipèviziè ki disponib nan tout eta a. Kantite ekipman ki genyen nan tout Eta a repati konsa:

- 1,426 gwo kamyon abèn baskil
- 315 gwo chajè
- 81 dechiktèz
- 80 ekskavatris ak wou ak cheniy
- 28 platfòm tou trafik
- 15 kamyon aspiratè ak jè egou
- 15 ekip pou pyebwa avèk kamyon nasèl

Otorite Thruway

Anplwaye Otorite Thruway yo ap kontinye kontwole previzyon ak enpak metewolojik yo sou sistèm Thruway la. Otorite Thruway la gen 661 anplwaye ki prepare pou enspekte drenaj tanpèt yo atravè sistèm nan, fè ti ajisteman nan ekipman yo, epi tcheke pant wòch yo nan zòn ki sansib pou gwo lapli yo. Ekipman ki ka deplwaye yo enkli eskavatris ki piti pou rive nan sa ki gen pwa mwayen, kamyon chasnèj/baskil yo, gwo kamyon chajè yo, pano VMS pòtab yo, poto limyè pòtab yo, jeneratris ki pi piti yo, ponp ki pi piti ak trelè pou transpòte ekipman yo, ansanm ak aparèy siyalizasyon ak lòt aparèy kontwòl sikilasyon ki disponib pou nenpòt detou oswa fèmti yo.

Otorite Thruway la ankouraje otomobilis yo telechaje [aplikasyon mobil](#) li a kibay aksè dirèk ak kamera sikilasyon yo nan tan reyèl, enfòmasyon sou sikilasyon an nan tan

reyèl, ansanm avèk asistans pou navigasyon pandan yo sou wout. Otomobilis yo ka enskri tou pou imèl [TRANSAlert](#) ki bay dènye ensidan sikilasyon yo sou otowout Thruway, suiv [@NYSThruway](#) sou Twitter epi vizite [thruway.ny.gov](#) pou wè yon kat anime k ap montre kondisyon sikilasyon an sou otowout Thruway ansanm avèk lòt wout Eta New York yo.

Depatman Konsèvasyon Anviwònmantal Eta New York la

Ofisyè Lapolis Pwoteksyon Anviwònmantal DEC yo, Gad Forè yo, anplwaye Jesyon Ijans yo, ak anplwaye reyjonal yo ap siveye sitiyasyon ki ap devlope a ak previzyon metewo yo epi yo aktivman pral fè patwouy nan zòn ak enfrastrikti ki gen anpil chans pou yo afekte poutèt move tan. Tout resous ki disponib yo, ki gen ladan ekip rapid pou sovtaj nan dlo, yo nan pozisyon pou yo ede nan nenpòt repons ijans.

Biwo Pak, Lwazi ak Konsèvasyon Istorik

Lapolis Pak Eta New York ak anplwaye pak yo rete alète epi y ap swiv deprè kondisyon metewolojik ak enpak yo. Vizitè pak yo ta dwe vizite [parks.ny.gov](#), tcheke aplikasyon mobil gratis NY State Parks Explorer oswa rele biwo pak lokal yo pou yo jwenn dènye nouvèl konsènan lè fonksyònman pak yo, lè ouvèti ak fèmti yo.

Depatman Sèvis Piblik

Sèvis piblik New York yo genyen apeprè 5,500 travayè disponib pou angaje nan evalyasyon domaj, efò entèvansyon, reparasyon ak restorasyon atravè Eta New York, pou evènman sa a. Pèsonèl ajans lan ap swiv travay sèvis piblik yo pandan tout evènman an epi sire sèvis piblik yo voye anplwaye apwopriye yo nan reyon ki gen pi gwo enpak yo.

Lapolis Eta New York

Lapolis Eta a prepare pou li deplwaye manm Patwouy anplis, jan sa nesesè, pou ede zòn ki afekte yo. Tout veyikil Lapolis Eta a ki espesyalize yo, tankou veyikil kat-pa-kat ak veyikil itilitè yo (UTV) déjà an pozisyon epi yo prè pou yo reponn imedyatman. Yo te teste tout ekipman alimantasyon elektrik ak ekipman komunikasyon ijans Twoup la yo.

Otorite Transpò Metwopoliten

Otorite Transpò Metwopoliten an ap siveye kondisyon meteyowolojik yo deprè pou asire sèvis san danje ak fyab. Anplwaye MTA yo ap pare pou entèvni kont tout pwoblèm ki lye ak kondisyon meteyo yo.

Pou diminye chans pou inondasyon epi reponn a nenpòt ka inondasyon ki rive, ekip MTA yo pral enspekte drenaj nan zòn ki gen tandans inondasyon yo pou asire yo fonksyone, epi sipèviziè yo pral kontwole kote ki gen tandans inondasyon yo pou nenpòt rapò sou inondasyon pou asire gen repons rapid. Espesyalis asansè ak eskalye mekanik yo pral deplwaye nan kote ki gen tandans inondasyon yo pou ede nan nenpòt pwoblèm asansè ak eskalye mekanik ki gen rapò ak move tan.

Kliyan yo ankouraje tcheke [new.mta.info](#) pou dènye mizajou sou sèvis, ak pou itilize prekosyon pandan y ap navige sistèm lan. Kliyan yo tou ta dwe enskri pou sèvis alèt an

tan reyèl yo atravè mesaj tèks oswa imèl. Alèt sa yo disponib tou atravè aplikasyon MTA yo: MYmta ak TrainTime.

Otorite Pòtyè

Otorite Pòtyè a ap siveye kondisyon meteyowolojik yo. Restriksyon pou vitès yo gendwa an vigè nan pon yo, ansanm ak wout pou ale ak pou sòti nan kafou yo. Yo ap ankouraje pasaje atravè enstalasyon Otorite Pòtyè yo pou kontakte konpayi otobis ak liy ayeryèn yo dirèkteman pou dènye enfòmasyon sou reta ak anilasyon.

Pou dènye enfòmasyon yo sou etablisman Otorite Pòtyè yo, tanpri tcheke rezo sosyal yo, enskri pou [alèt PA](#) yo oswa telechaje youn nan aplikasyon mobil PA yo, ki enkli [RidePATH](#) ki bay mizajou nan tan reyèl ak alèt pou sèvis PATH.

Konsèy Sekirite nan Ka Siklòn Grav pou Nouyòkè yo

Tout Nouyòkè ta dwe konnen kijan pou yo rete okouran de move tan yo epi resevwa alèt alè ki fè yo konnen sa yo dwe fè pou yo rete an sekirite, enkli evakyasyon. Pi bon fason pou resevwa alèt metewolojik alè se lè w enskri nan NY-Alert yon sèvis gratis ki bay alèt sou move tan ak lòt alèt ki gen rapò ak ijans yo.

Pran mezi sa yo pou asire ou menm ak pwòch ou yo pwoteje:

- Devlope yon plan pou katastwòf nan kay la epi konnen kijan pou kontakte manm fanmi an toutan. Idantifye yon zanmi oswa yon manm fanmi ki andeyò vil la ki dwe "kontak fanmi an nan ka ijans" epi asire w ke tout manm fanmi yo gen enfòmasyon kontak la.
- Deziyen yon pwen pou reyini an ijans - yon kote abityè kote fanmi an ka rankontre si yo pa ka jwenn aksè ak rezidans lan.
- Konnen risk siklòn ak tanpèt ki genyen nan kominate w la.
- Si w abite toupre zòn kotyè yo, enfòme w sou istwa vag tanpèt zòn ou an ak siyal avètisman ak plan evakyasyon kominate w la, ki gen ladan wout ki an sekirite alentery tè yo ak kote abri ofisyèl yo ye.
- Konnen ki kote pou deplase bêt kay yo pandan yon tanpèt - pifò abri yo pa pral pèmèt bêt kay.
- Metee founiti sa yo pare:
 - Ase manje ki p ap gate ak rezèv dlo pou 10 jou.
 - Radyo ak flach ki fonksyone ak pil epi yon bon kantite pil.
 - Yon bwat premye swen avèk rezèv medikaman.
 - Dokiman epòtan yo: Règleman asirans, dosye medikal, nimewo kont labank, kat Sekirite Sosyal, elatriye nan yon resipyen ki enpèmeyab.
 - Lajan kach, chekye, kat kredi ak kat ATM.
 - Yon lis kontak pou ijans moun ak òganizasyon ke w ka bezwen rele: kontak lekòl, doktè, founisè, ak kontak asirans.
- Pran mezi prevansyon sa yo:

- Achte epi sere materyèl, tankou playwoud, ki nesesè pou sekirize kay ou kòrèkteman.
- Repare goutyè ak kolòn ki lach oubyen ki bouche yo.
- Sekirize oswa pote andedan mèb ki sou gazon ak lòt objè ki lach, ki lejè tankou poubèl ak zouti jadinye yo ki ka vin tounen pwojektil nan gwo van. Epitou koupe branch bwa ki mouri nan gwo oswa nan ti pye bwa yo.
- Revize règleman asirans pou detèmine limit kouvèti asirans lan anvan yon tanpèt frape.
- Detèmine ki kote pou deplase bato yo nan yon ijans.
- Ou dwe okouran de kondisyon metewolojik lokal yo lè w koute emisyon Sèvis Metewolojik Nasyonal la sou Radyo Meteyo NOAA ak rapò ki soti nan estasyon televizyon ak radyo lokal yo.
- Konnen kijan pou w dekonekte kouran, chalè ak dlo lakay ou.

Enfòmasyon sou Divizyon Sekirite Teritwa ak Sèvis pou Ijans Eta a

Divizyon Sekirite Teritwa ak Sèvis pou Ijans yo (Division of Homeland Security and Emergency Services, DHSES) ofri direksyon, kowòdinasyon ak soutyen pou anpeche, pwoteje kont, prepare pou, reponn a, rekipere apre, epi diminye katastwòf ak lòt ijans. Pou plis enfòmasyon, swiv [@NYSDHSES](#) sou Facebook, Instagram, ak X (Anvan li te rele Twitter) oswa vizite [dhses.ny.gov](#).

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418